



Broj: 01-19-607/23-17
Mostar: 26.10.2023.godine

Na osnovu člana 69. stav (2) tačka d) a u vezi sa članom 70.stav (4) Zakona o javnim nabavkama („Službeni glasnik BiH“ broj:39/14 i 59/22), člana 200.Zakona o upravnom postupku („Službene novine Federacije BiH“, broj:2/98,44/99 i 61/22) člana 4. Pravilnika o unutrašnjoj organizaciji Agencije „Stari grad“ („Službeni glasnik Grada Mostara“ broj:4/06 i 18/23) i na osnovu Rješenja Gradonačelnika o imenovanju direktora broj UP I:02-36-2462/05 od 26.03.2007.godine, u postupku javne nabavke putem konkurentskog zahtjeva za dostavu ponuda za nabavku radova: Projekat izvođenja radova na rehabilitaciji ratom devastiranog stambenog objekta „Vlahina kuća“ u Mostaru, u ul.Bajatova 1, JRJN: 45454000-4), direktor „Agencije Stari grad“, donosi

O D L U K A **o poništenju postupka javne nabavke**

Član 1.

Poništava se postupak javne nabavke pokrenut putem konkurentskog zahtjeva za dostavu ponuda, Obavještenje o nabavci na portalu javnih nabavki broj:1235-7-3-21-3-13/23 od 28.09.2023.godine, JRJN: 45454000-4 za radove: Projekat izvođenja radova na rehabilitaciji ratom devastiranog stambenog objekta „Vlahina kuća“ u Mostaru, u ul.Bajatova 1, jer nijedna od primljenih ponuda nije prihvatljiva.

Član 2.

Ova Odluka objaviće se na internet stranici Agencije „Stari grad“ (www.asgmo.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav(6) Zakona o javnim nabavkama.

Član 3.

Za izvršenje odluke zadužuje se i ovlašćuje Anto Šain, viši stručni saradnik u Agenciji „Stari grad“.

Član 4.

Ova odluka stupa na snagu danom donošenja, i dostavlja se ponuđaču koji je učestvovao u postupku javne nabavke.

Član 5.

Stupanjem na snagu ove Odluke prestaje da važi Odluka broj:01-19-607/23-12 od 10.12.2023.godine.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj:01-19-607/23 od 20.09.2023.godine. Komisija za nabavke imenovana je rješenjem direktora Agencije „Stari grad“ broj: 01-19-607/23-2 od 20.09.2023.godine.

Javna nabavka za radove je sprovedena putem konkurentskog zahtjeva za dostavu ponuda, JRJN: 45454000-4, Projekat izvođenja radova na rehabilitaciji ratom devastiranog stambenog objekta „Vlahina kuća“ u Mostaru, objavom Obavještenja o nabavci sa tenderskom dokumentacijom na portalu javnih nabavki broj: 1235-7-3-21-3-13/23 od 28.09.2023.godine i na internet stranici Agencije „Stari grad“ (www.asgmo.ba).



Dana 09.10.2023.godine jedini ponuđač G.D. Bišina blagovremeno je dana 09.10.2023.godine dostavio ponudu i nakon provedenog postupka javne nabavke od strane Komisije za nabavke i donošenja Odluke o izboru najpovoljnijeg ponuđača broj:01-19-697/23-12 od 12.10.2023.godine jedini i najpovoljniji ponuđač G.D. Bišina d.o.o. Mostar je mejlom dana 19.10.2023.godine Agenciji "Stari grad" dostavio dokumentacije iz koje je vidljivo da je ponuđač dana 18.09.2023.godine podnio nadležnom Federalnom ministarstvu prostornog uređenja zahtjev za izdavanje ovlaštenja za obavljanje radova u oblasti zaštite, konzervacije i rehabilitacije nacionalnih spomenika, kao i da je ponuđač G.D. Bišina d.o.o. postupio po dopisu Federalnog ministarstva prostornog uređenja broj:UPI/03-19-2-1241/23 od 27.9.2023.godine o dopuni zahtjeva i dana 28.09.2023.godine putem ASA BANKA uplatio tražene troškove postupka od 3.000,00(tri hiljade)KM i 10,00KM federalnih administrativnih taksi na račun Trezora Federacije BiH. Federalno ministarstvo finansija Sarajevo, što dokazuje da mu još nije izdato novo ovlaštenje. Predstavnik Agencije „Stari grad“ je uvidom na web stranicu Federalnog ministarstva prostornog uređenja u registar izvođača nesumljivo utvrđeno da se G.D. Bišina d.o.o. nalazi pod R/B 302 i da predmetno ovlaštenje važi do 4.10.2023.godine, što znači da je validnost ovlaštenja bila istekla i kad je ponuđač u ponudi broj:08/10-23 M.E pod rednim brojem 74 dostavio ovjerenu izjavu od 05.10.2023.godine u kojoj je izjavio da posjeduje ovlaštenje za obavljanje djelatnosti građenja/ izvođenje radova zaštite i rehabilitacije nacionalnih spomenika izdato od strane Federalnog ministarstva prostornog uređenja, koja je dostavljena povodom objavljene tenderske dokumentacije od 28.09.2023.godine na protokol Agencije „Stari grad“ u kompletiranoj ponudi dana 09.10.2023.godine numerisana pod rednim brojem 74. Osim toga članom 67. stav(5) Uredbe o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije BiH“ broj:25a,42/92 i 93/22) propisuje da Ministarstvo „na prijedlog stručnog odbora iz stava (2) ovog člana, izdaje ovlaštenje iz člana 61. bez kojeg izvođač ne može otpočeti građenje građevine ili zahvata u prostoru. Zbog svega naprijed navedenog i nesumljivog saznanja ugovornog organa da ponuđač ne posjeduje validno ovlaštenje Federalnog ministarstva prostornog uređenja za izvođenje radova za zaštitu, konzervaciju i prezentaciju nacionalnih spomenika Agencija „Stari grad“ je uredno obavjestila ponuđača G.D. Bišinu d.o.o. Mostar aktom od 20.10.2023.godine o nezaključenju Ugovora o provedenom postupku javne nabavke radova za: Projekat izvođenja radova na rehabilitaciji ratom devastiranog stambenog objekta „Vlahina kuća“ u Mostaru, u ul. Bajatova 1., jer u skladu sa članom 89. stav (3) Zakona o javnim nabavkama kada ugovorni organ primi jednu prihvatljivu ponudu dodjeljuje ugovor tom ponuđaču i to najkasnije u roku od deset dana računajući od dana prijema odluke o izboru najpovoljnijeg ponuđača, a taj imperativni rok od 10.(deset) dana od dana prijema odluke ugovornog organa o izboru najpovoljnije ponude uskoro ističe.

Kako do danas ponuđač G.D. Bišina d.o.o. Mostar nije dostavio Agenciji „Stari grad“ kao Ugovornom organu dokaz da posjeduje validno ovlaštenje izdato od strane Federalnog ministarstva prostornog uređenja u skladu sa Uredbom o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije BiH“, broj:25a/22,42/92 i 93/22) za izvođenje radova na zaštiti, konzervaciji i rehabilitaciji nacionalnih spomenika a rok za zaključenje ugovora u skladu sa članom 89. stav (3) Zakona o javnim nabavkama istekao je dana 23.10.2023.godine a nesumljivim dokazivanjem od strane ugovornog organa da podnošenjem i dostavljanjem u ponudi broj:08//10-23 M.E numerisanu



pod rednim brojem 74 nevalidnu ovjerene izjave ponuđača o posjedovanju ovlaštenja Federalnog ministarstva prostornog uređenja za izvođenje radova na zaštiti, konzervaciji i rehabilitaciji nacionalnih spomenika, kojom radnjom je ponuđač doveo ugovorni organ u zabludu čime je ponuđač izvršio povredu Zakona o obligacionim odnosima kao i člana 72. stav(3) tačka b) Zakona o javnim nabavkama („Službeni glasnik BiH“, broj:39/14 i 59/22) i onemogućio zakonito zaključenje ugovora.

Naime a u skladu sa uslovima naznačenim u tenderskoj dokumentaciji broj: 01-19-607/23-8 od 28.09.2023. godine kao i sa Obavještenjem o nabavci objavljeno na portalu javnih nabavci broj: 1235-7-3-21-3-13/23 od 28.09.2023.godine, vidljivo je da ponuđač G.D. Bišina d.o.o. nije ni u dostavljenoj ponudi broj:08/10-23 M.E od 05.10.2023.godine dostavio validnu izjavu da posjeduje ovlaštenje Federalnog ministarstva prostornog uređenja i doveo ugovorni organ u zabludu što je imalo za posljedicu donošenje nezakonite Odluke o izboru najpovoljnijeg ponuđača od 12.10.2023.godine. , Na osnovu naprijed navedenog ta jedina podnešena ponuda u skladu sa članom 2. tačka l) pod 3) Zakona o javnim nabavkama trebala biti proglašena „nepravilna-koja nije u skladu sa tenderskom dokumentacijom“, kao ni u toku postupka predmetne javne nabavke dostavio validno ovlaštenje Federalnog ministarstva prostornog uređenja za izvođenje radova zaštite, konzervacije i rehabilitacije nacionalnih spomenika čime je kao jedini ponuđač propustio dostaviti dokumentaciju koja je bila uslov za potpisivanje ugovora u skladu sa Zakonom o obligacionim odnosima čime je izvršio povredu člana 72. stav (3) tačka b) Zakona o javnim nabavkama što je imalo za posljedicu nezaključenje zakonitog ugovora za predmetnu nabavku ,čime su ispunjeni uslovi da na osnovu člana 69. stav (2) tačka d) Zakona o javnim nabavkama BiH („Službeni glasnik BiH“, broj:39/14 i 59/22), direktor Agencije „Stari grad“ odluči kao u dispozitivu ove Odluke.

PRAVNA POUKA:


U skladu sa članom 101.stav (5) Zakona o javnim nabavkama („Službeni glasnik BiH“ broj:39/14 i 59/22), protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke o poništenju postupka javne nabavke..

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi direktno, elektronskom putem ili preporučenom poštanskom pošiljkom na adresu: Agencija „STARI GRAD“, Ul.M.Tita 170 (172), 88000 Mostar.

Žalba se podnosi u najmanje (3) tri primjerka.

Direktor

Miralem Fajić, dipl. pravnik



Dostaviti:

1. G.D. „BIŠINA“ d.o.o. Mostar
sa sjedištem u Ul.Brkića br.6a, Mostar
2. Predsjedniku i članovima komisije za nabavke
3. Web stranica(www.asgmo.ba)
4. a/a